

գել 'ի պաշտօն և հանել անտի , 'ի պարագայս կալուածական խնդրոց , և 'ի դրաւելն զստացուածս վախճանեալ Առաջնորդաց , Եպիսկոպոսոց , Վարդապետաց , Քահանայից և հետեւակաց և ազգին Հայոց , Եկեղեցեաց , Վանօրէից , Խորանաց և այլոց Ուխտատեղեաց՝ հետեւակ և համազգայնոցն իւրեանց , որք տիրեալ եւ ժառանգեալ են 'ի սկզբանէ անտի : Եւ Պաարիարքունք Հայոց տիրեսցեն եւ ժառանգեսցեն զայսոսիկ տեղիս , որք են՝ 'ի կեդրոնի տաճարին Ս . Յարութեան Գերեզմանն եւ արաքոյ Երուսաղէմի գերեզմանն Ս . Աստուածածնի , և 'ի Բեթղէհէմ Այրն Ծննդեան Քրիստոսի , և զրանալի հիւսիսային դրան : Եւ 'ի ներքս 'ի դուռն Ս . Յարութեան 2 աշտանակք եւ կանթեղք , եւ 'ի դուռն Գերեզմանին եւ 'ի ներքս կանթեղք մոմեղէնք և խուռնի . և 'ի մէջ տաճարին Ս . Յարութեան , ըստ օրինաց իւրեանց յեղանակն Լուսոյն ընդ հետեւակ համազգայինս իւրեանց մտանել 'ի Գերեզմանն և Թափօր առնել շուրջ զնովա : Եւ 'ի ներքս մեծի դրան վերին և ստորին տեղիքն , և երկու պատուհանքն , խորանք և ուխտատեղիք 'ի ներքս անդ՝ և ջրհորն , և 'ի գաւթի տաճարին Ս . Յարութեան եկեղեցին Ս . Յովնանու , եւ յարտաքս մերձ եկեղեցւոյն Ս . Յակոբայ , Ս . Փրկիչ , եւ այլ վանօրայք , գերեզմանատունք , սենեակք և հիւրանոցք 'ի Բեթղէհէմ՝ մերձ յԱյրն Ծննդեան , այգիք՝ պարտէզք ձիթենիք , և այս ամենայն եկեղեցիք վանօրայք , խորանք ուխտատեղիք , և հետեւակ համազգայինք , և այլ ստացուածք և նախնական պարագայք նոցին , որպէս սահմանեալ է : Եւ մի ոք երբէք 'ի պաշտօնէից Տէրութեանս և կամ յայլոց միջամուխ լեալ նեղեսցէ զուխտաւորս Հայոց որք գնան 'ի Յորդանան գետ , 'ի տօնավաճառս և յայլ տաճարս և յուխտատեղիս , առնել ըստ մտաց Կայսերական երջանիկ նշանիս , որպէս գրեցաւ 'ի վեր անդր , եւ մի թողուլ զոր յօտար ազգաց լինիլ միջամուխ և նեղել զնոսա : Վասն այսորիկ մի ոք 'ի Կայսերական տոհմէս կամ 'ի Նախարարաց՝ և կամ առհասարակ ամենայն պաշտօնէից Տէրութեանս 'ի մեծամեծաց մինչեւ ցփոքունս մի և մի իւրք յինչ և իցէ պատճառս իրաց միջամտեալ հակառակեսցին և փոփոխեալ այլայլեսցեն , և եթէ ոք